

## Maiñ Kiskā Charwaahā Huñ?

***Injeel : Yuhannā 10:9-10, 14-18, 24-30***

[*Īsā<sup>(a.s)</sup> ne farmaayā*] “Maiñ hī wo darwaazā huñ ki jismeñ se daakḥil hone waale ko bachā liyā jaaegā aur is se hokar guzarne waaloñ ko nemateñ mileñgī.<sup>(9)</sup> Ek chor<sup>[a]</sup> sirf chorī karne, qatl karne, aur cheezoñ ko barbaad karne hī ātā hai. Maiñ āyā huñ taaki log ek bharpur ziñdagī haasil kar sakeñ.<sup>(10)</sup>”

### **10:14-18**

“Maiñ ek acḥā charwaahā huñ. Maiñ apnī bheḍoñ ko jaantā huñ, aur merī bheḍeñ mujhe jaantī haiñ,<sup>(14)</sup> jis tarah se maiñ apne rab ko jaantā huñ, aur merā rab mujhe jaantā hai. Maiñ apnī ziñdagī ko apnī bheḍoñ ke liye qurbaan kar rahā huñ.<sup>(15)</sup> Mere paas kuch aur bhī bheḍeñ haiñ, jo is baaḍe se naheen haiñ. Mujhe unko bhī yahaan laanā chaahie. Wo bhī merī āwaaz ko suneñgī aur phir uske baad sirf ek hī jhuñḍ aur ek hī charwaahā hogā.<sup>(16)</sup> Merā parwardigaar mujhse islie mohabbat kartā hai, kyunki maiñ apnī ziñdagī ko phir se haasil karne ke liye qurbaan karuñgā.<sup>(17)</sup> Koī bhī merī ziñdagī ko mujhse naheen le saktā, balki maiñ ḳḥud use apnī marzī se qurbaan karuñgā. Mujhe Allaah taa’alā ne qudrat baḳḥshī hai, ki maiñ apnī jaan ko qurbaan karuñ aur use dobaarā se haasil karuñ. Ye hukm mujhe mere rab se milā hai.”<sup>(18)</sup>

### **10:24-30**

Jo Ibraanī log unke ās-paas jamā the unhone unse bolā, “Āp ham sabko kab tak uljhan me rakheñge? Agar āp hī Maseehā haiñ, to hameñ saaf-saaf batā deejie.”<sup>(24)</sup> *Īsā<sup>(a.s)</sup>* ne unheñ jawaab diyā, “Maiñ tumheñ batā chukā huñ, lekin tum yaqeen hī naheen karte. Jo bhī kaam maiñ apne rab ke naam se kartā huñ wahī merī gawaahī detā hai.<sup>(25)</sup> Tum log is baat par yaqeen naheen karte, kyunki tum log merī bheḍeñ naheen ho.<sup>(26)</sup> Merī bheḍeñ merī āwaaz ko suntī haiñ. Maiñ unheñ jaantā huñ, aur wo merī baat par amal kartī haiñ.<sup>(27)</sup> Maiñ unheñ kabhī n ḳḥatm hone waalī ziñdagī atā kartā huñ, aur wo kabhī tabaah naheen hoñge. Koī bhī unheñ mere haath se naheen ḥeen saktā.<sup>(28)</sup> Mere rab ne mujhe ye azmat atā karī hai, aur wahī sabse azeem hai. Koī bhī unheñ mere rab ke haathoñ se naheen ḥeen saktā.<sup>(29)</sup> Merā parwardigaar mujhse raazī hai aur hamaarā maqsad bhī ek hī hai.”<sup>(30)</sup>

---

[a] Chor kā matlab Shaitaan hai, aur wo log jo Shaitaan kī ḡulaamī karte haiñ.